

ad te; memento mei, quando
 appropinquabit finis meus. Da
 mihi fiduciam, ne timeam in die
 furoris Domini.

Dissolvantur in specie faciei
 tuæ inimici mei; dissipa cogita-
 tiones eorum; de manu eorum
 eripe me. Consolare me in exi-
 tu spiritus mei, & deduc me in
 vitam æternam, ut videam te,
 & filium tuum Jesum Christum;
 quem beatus venter tuus porta-
 vit; quem beata ubera lactave-
 runt; & cum Patre, & Spiritu
 Sancto vivit, & regnat Deus in
 sæcula sæculorum. Amen.

EXA.

 EXAMEN CONSCIENTIÆ.

*Scrutemur vias nostras, & leve-
 mus corda nostra cum manibus
 ad Deum in celo.*

Thren. 3.

Laudat, & gratias agit.

Quid retribuam Domino pro
 omnibus, quæ retribuit
 mihi? Benedic anima mea Do-
 mino, & omnia, quæ intra
 me sunt, nomini sancto ejus;
 benedic anima mea, Domino,
 & noli oblivisci omnes retri-
 butiones ejus; benedic anima
 mea, & intellige misericordias
 Domini.

Laudem Deo nostro super
 omnibus, & super multitudi-

H 4 nem

nem bonorum, quæ largitus est mihi secundum indulgentiam suam, & secundum multitudinem miserationum suarum.

*Creatio, conservatio,
& providentia.*

TU, Domine, formasti me de limo terræ ad imaginem, & similitudinem tuam. Spiritus tuus, Domine, fecit me; & spiraculum omnipotentis vivificavit me; ut viveret anima mea, & laudaret te, & recorderer creatoris mei omnibus diebus vitæ meæ, & invocarem Deum meum in omni tempore.

Tu conservas me, qui bonorum meorum non egēs, creaturam tuam; opus manuum tuarum. Tu pascis me a juventute mea;

mea; & tibi est cura de me, & das mihi escam in tempore opportuno; tu regis me, & gubernas me, & mandasti Angelis tuis de me, ut custodiant me in omnibus viis meis.

*Redemptio, & donum
Spiritus Sancti.*

Dedisti Filium tuum unigenitum, qui dilexit, & lavit nos a peccatis nostris in sanguine suo; qui dedit semetipsum oblationem, & hostiam; & reconciliavit nos tibi, factus nobis justitia, sanctificatio, & redemptio.

Dedisti Spiritum Sanctum; Spiritum veritatis, qui docet nos omnem veritatem; qui loquitur ad cor nostrum; adjuvat

H 5 in-

infirmi-
tatem no-
stram, & postu-
lat pro nobis gemitibus inenar-
rabilibus.

Fides, & Justificatio.

VOcasti me de tenebris in ad-
mirabile lumen tuum; ad
agnitionem veritatis; ad cogno-
scendum te solum verum Deum,
& quem misisti Jesum Christum.
Revelasti per spiritum tuum my-
sterium a faculis absconditum,
& quod aliis generationibus non
est agnitum, sicut sanctis Aposto-
lis tuis, & Prophetis.

Justificasti gratis per gratiam
tuam, & mundasti me per la-
vacrum regenerationis, & reno-
vationis Spiritus Sancti, quem
effudisti in nos abunde per Sal-
vatorem nostrum Jesum Chri-
stum.

Vo.

*Vocatio ad Religionem,
& Sacerdotium.*

SUScepisti me de via iniquita-
tis, & assumpisti, ut inha-
bitarem cum servis tuis in domo
tua: vocasti me vocatione tua
sancta in societatem Filii tui; in
loco pascuæ collocasti.

Elegisti in sacerdotem ad sa-
crificandum tibi hostiam laudis;
acceptabile holocaustum, &
placabile sacrificium pro popu-
lo tuo. Cibasti me pane sancto,
& calice salutari potasti me.

H 6

Li.

*Liberatio a malis; expectatio ad
penitentiam; & preservatio.*

Liberasti me secundum multi-
tudinem misericordiarum tuarum
de manibus querentium ani-
mam meam. Non recessisti a ser-
vo tuo, nec succidisti arborem
non ferentem fructum; sed su-
stinuisti me in multa patientia.

Jacentem erexisti; manum
tuam cadenti supposuisti. Las-
sum roborasti; dormitantem
excitasti; errantem reduxisti;
in tribulatione confortasti; cor
meum dilatasti; circumdedisti
me misericordia tua, & prave-
nisti in miserationibus tuis mul-
tis.

Quanta fecisti, Deus, animam
meam! Propterea confitebor, &
lau-

laudem dicam tibi, & benedi-
cam semper nomini tuo, & glo-
riabor in miserationibus tuis:
miserationum tuarum, Domi-
ne, recordabor.

Scrutatur vias suas.

EGo autem, repletus miseri-
cordia tua, retribuisti tibi ma-
la pro bonis. Qui consideras vias
meas, & cunctos gressus meos
dinumeras, aperi oculos meos,
ut videam, quam sim pauper, cæ-
cus, & nudus. Peccata mea sta-
tue contra faciem meam.

Pravum est cor hominis, &
inscrutabile. Quis cognoscat il-
lud? Scrutans corda, & renes
Deus: oculi ejus super vias filio-
rum Adam; & reddet unicui-
que, secundum fructum adinven-
tionum ejus.

Plo.

*Plorat in amaritudine
peccata sua.*

Non ne Deus requiret ista? Quid respondebo ad arguentem me? Si justificare me voluero, pravum me comprobabit. Veruntamen vias meas arguam in conspectu ejus, & meum judicem deprecabor; & ipse erit Salvator meus.

Humiliata est in conspectu tuo anima mea, Domine. Peccavi; quid faciam tibi, o custos hominum? Peccata mea in oculis tuis: in conspectu tuo iniquitates meæ. Non audeo levare faciem meam: confusus sum vehementer.

Peccavi, Domine, peccavi, Peccavi, & iniquitatem meam
ego

ego cognosco. Peccavi, & malum coram te feci. Feci malum in conspectu tuo; pravificatus sum in te. Charitatem primam reliqui; recessit cor meum a te; tepidus factus sum. Non sum dignus vocari filius tuus.

Plorabo in fletu; plorabo in amaritudine animæ meæ. Vide, Domine, afflictionem meam: vide, Domine, quia contritio. ne magna contritus sum; insaniabilis est dolor meus propter iniquitates meas.

Statuit custodire legem Domini.

A Mandatis tuis non recedam amplius; a semitis tuis non declinabo. Faciam, quod est bonum in conspectu tuo; custodiam legem tuam; ambulabo
in

in novitate vitæ; ambulabo sollicitus coram te.

Custodi, Deus, hanc voluntatem; confirma me in omni opere bono, & gressus meos perface, ut non moveantur vestigia mea. Conserva me in timore tuo; corrobora me; & confundentur, qui pugnant adversum me. Multi, qui persequuntur me, & tribulant me. A testimoniis tuis non declinabo.

Misericordiam implorat.

ET nunc, Domine, Deus omnipotens, Deus patrum nostrorum, in animo contrito, & spiritu humilitatis, flecto genua cordis mei. Qui pius es, misere mei; aut in flagello tuo vindica iniquitates meas, & noli tra-

tradere confitentem te inimicis tuis.

Remitte mihi, Domine, remitte mihi. Ne simul perdas mecum iniquitatibus meis, neque in æternum reserves mala mihi; ne tradas in perpetuum. Non auferas misericordiam tuam; sed fac mecum, juxta mansuetudinem tuam, & secundum multitudinem misericordie tue; quia tu es Deus altissimus, benignus, longanimis; & investigabilis misericordia tua.

Peccavi; sed advocatum habeo, apud te, filium tuum, quem misisti, Salvatorem mundi, & posuisti propitiatorem, in quo habemus fiduciam, & accessum per fidem ejus. Per ipsum accedo ad thronum gratie, ut misericordiam consequar, & gratiam inveniam.

Pro.

Protector noster adspice Deus, & respice in faciem Christi tui, qui dilexit me, & tradidit semetipsum pro me, & semper vivens, ad interpellandum pro me. Et laudabo te omnibus diebus vitæ meæ, quem laudat omnis virtus cælorum; & tibi est gloria in sæcula sæculorum. Amen.

AFFECTUS

ANIMÆ COMPUNCTÆ.

*Gemius meus a te non est
absconditus. Ps. 37.*

Recordatur primi fervoris.

QUIS mihi tribuat, ut sim juxta dies antiquos; secundum dies, quibus Deus custodiebat me? Quando erat mecum
om-

omnipotens, & in omnipotente delectabar; loquebatur, & ardebat cor meum; clamabam, & exaudiebat me; quærebam illum, & inveniebam; vocabam, & respondebat mihi: visitabat me, & fluebant aromata illius.

Meditabar in lege ejus, & dulcia erant faucibus meis eloquia ejus; & lætitia, & gaudium conversatio illius. Confortabat me; & leve erat onus ejus, & suave jugum ejus.

Replebat pace animam meam, & reficiebat spiritum meum: in pascuis pinguibus, & uberrimis pascebat me: fonte aquæ vivæ potabat me; & hauriebam aquas in gaudio de fontibus Salvatoris.

Præcedebat me pastor bonus; & sequebar vocem ejus; per semitas suas deducebat me; & ad
lu.

lumen illius ambulabam ; & dilatabat gressus meos ; lassum sustentabat , & portabat in humeris suis .

Agnoscit reporem suum .

Nunc autem reductus sum ad nihilum ; & tabescit in me anima mea : in lacum miseriae projectus sum ; infixus sum in limo profundi , in luto fecis . Ablata est lux ; contenebrati sunt oculi mei ; & contexerunt me tenebrae . Quale gaudium erit mihi , qui in tenebris sedeo , & lumen caeli non video !

Anima mea sicut terra sine aqua ; nec ros , nec pluvia veniunt super me . Fons aquae vivae siccatus est ; aruit cor meum ; attenuatum est robur meum ; de-

reliquit me virtus mea : langui , & defeci ; defecit spiritus meus . Quanti mercenarii abundant in domo patris mei panibus ! Ego autem hic fame pereo .

Ubi sunt misericordiae tuae antiquae , Domine ? Ubi sunt misericordiae tuae ? Intuere , & respice opprobrium meum . Ignominia operuit me ; non audeo levare faciem meam ; confusus sum vehementer . Vide , Domine , & considera , quoniam factus sum vilis ; squallens calamitate , & miseria .

Plorat divinam absentiam .

Quis dabit capiti meo aquam , & fontem lacrymarum oculis meis , & plorabo die , ac nocte . In abscondito plorabit ani-

anima mea coram Domino, qui fecit me. Plorans plorabit; & oculus meus deducet lacrymas, quia longe factus est a me consolator; abscondit faciem suam a me.

Replevit me amaritudine; animam meam posuit desolatam, & mœrore confectam. Defecit gaudium cordis mei; periit lætitia, & exultatio. Possident me dies afflictionis; factus sum mihi metipsum gravis. Non est, qui consoletur me. Quis medebitur mihi? Plorabo, & non quiescam: non tacebit pupilla oculi mei, quia recessit a me Deus meus.

Ado.

Adorat divinam Justitiam.

Magna, Domine, judicia tua; quia non egi secundum præcepta tua, & ambulavi sincere coram te; & tu justus es in omnibus, quæ venerunt super me. Tibi, Domine, justitia; mihi autem confusio. Vix meæ, & cogitationes meæ fecerunt hæc mihi: diviserunt inter me, & Deum meum; peccata mea pervenerunt usque ad cælum; malitia mea ascendit coram te.

Peccavi, Domine, peccavi; inique egi; iniquitatem feci; non feci voluntatem tuam; & mandata tua non custodivi. Recordor transgressionum mearum; peccavi ab adolescentia mea:

mea; statui abominaciones; multiplicavi offensiones.

Excitavi iracundiam tuam; exacerbavi te, Deus eterne; contaminaui testamentum tuum; contempsi timorem tuum. Abivi in sensum cordis mei, faciens mala ante oculos tuos.

Propterea traditus sum in direptionem; traditus sum in manus inimicorum meorum. Erecti sunt contra me; viderunt me, & spreverunt me; circumdederunt me, & coangustaverunt me undique; irruerunt super me, & prostraverunt me, quia tu abiecisti me.

Projiciens repulisti me: projectus sum a facie oculorum tuorum: & nunc, quid dicam post hæc? quia dereliqui mandata tua. Vera, & iusta sunt iudicia tua, Deus omnipotens: iustæ,

&

& veræ sunt viæ tuæ, rex sæculorum.

*Considerat divinam
indignationem.*

Dereliquisti, anima mea, Deum factorem tuum, & recessisti a Deo salutari tuo: oblita es Dei, qui creavit te, & salvavit te, & enutrivit te. Non es recordata finis tui; non es recordata adjutoris tui; non cognovisti tempus visitationis tuæ.

Inquinatae sunt viæ tuæ; maculata es in iniquitate tua; in medio fordium habitatio tua; malitia tua execrabilis; facta es abominabilis coram Domino Deo tuo. Indignatio Domini super te, quia contempdisti legem Altissimi; recessisti, ne au-

I

di-

diſes vocem ejus; abalienata es retrorſum, & noluiſti in viis ejus ambulare; provocaiſti oculos majeſtatis ejus.

Propterea completiſti furorem ſuum omnipotens; recordatus eſt iniquitatum tuarum; extendit manum ſuam, & aggravavit eam ſuper te. Arcum ſuum extendit; effudit, quaſi ignem, indignationem ſuam; effudit indignationem furoris ſui: iratus eſt vehementer.

Concipit timorem Domini.

Quis ſtabit ante faciem indignationis ejus, & quis reſiſtet in ira furoris ejus? Ardens furor ejus; labia ejus repleta indignatione; lingua ejus, quaſi ignis devorans; ſagitta ejus acuta.

A fa-

A facie ejus cruciabuntur populi; a facie ejus contremiſcet terra; a facie ejus movebuntur cæli. Ulciſcens Dominus, & habens furorem; ulciſcens, & iriſcens inimicis ſuis. Quis ſuſtinebit eum?

Veh mihi, quia peccavi! Veh mihi, quia pravariatus ſum! Revelabunt cæli iniquitatem meam; & terra conſurget adverſum me. Ponet contra me abominationes meas. Oculi ejus in me; non ſubiſtam. In turbine conteret me.

Quid faciam in die tribulationis; in die calamitatis; in die illa magna, & horribili, quando veniet, indutus veſtimento ultionis, percutere terram, & viſitare orbis mala? Ubi me abſcondam a facie timoris ejus; a gloria majeſtatis ejus?

I 2

Clau-

Clamat ad Dominum.

ET nunc, Domine Deus omnipotens, Deus patrum meorum, anima in angustiis, & spiritus anxius clamat ad te. Domine, ante te omne desiderium meum, & gemitus meus a te non est absconditus.

Recogitabo tibi omnes annos meos in amaritudine animæ meæ. Anima mea turbata est valde: sensus cordis mei turbati sunt in me: tremor, & horror invasit me: afflictus sum, & humiliatus sum nimis: venit super me indignatio.

Domine, quando respicies? Usquequo clamabo, & non exaudies? Quare in perpetuum oblivisceris mei? Quare repelles

les in sempiternum, & confundentur in confusione dies mei?

Audi, Domine, & miserere: Non avertas aurem tuam a clamore meo; non enim abjecisti filios hominum, & non defecerunt miserationes tuæ.

Manum tuam longe fac a me, & formido tua non me terreat: ne tradas in perpetuum; ne auferas misericordiam tuam. Vide, Domine, afflictionem meam; vide desolationem meam: tu sis via mea.

Recordare paupertatis meæ; recordare nominis tui; converte luctum meum in gaudium. Revertere, revertere; innova dies meos, sicut a principio.

Et laudabo te in terra peregrinationis meæ; laudabo nomen tuum, & sacrificium sanctificationis offeram tibi,

& gloriabor in miserationibus
tuis.

Confidit in Christo.

Domine Jesu, pastor bone,
qui venisti in hunc mundum
peccatores salvos facere;
qui pro ovibus tuis animam tuam
posuisti, & dedisti te oblationem,
& hostiam pro peccatis nostris,
miserere mei, quoniam in te
confidit anima mea.

Propter te accedo ad thronum
gratiæ, ut misericordiam consequar,
& gratiam inveniam. Peccavi;
sed advocatum habeo te apud Patrem.
Erravi, sicut ovis, quæ periit;
quære servum tuum, & reduc ad oves
pascuæ tuæ. Memento mei, Deus
meus, ne perdas, quem redemisti.

LAU.

LAUDES DIVINÆ
IN NOCTE.

In nocte canticum Domini.
Psal. 41.

Laudabo in nocte, in principio
vigiliarum: laudabo, & effundam
cor meum ante conspectum Domini:
laudabo, & invocabo nomen ejus cum
lætitia cordis: cantabo in nocte
canticum Domini; tota nocte non
tacebo laudare nomen Domini.

Qui posuit tenebras latibulum
suum (& gloria ejus in caligine),
apparuit nocte sanctis suis, & de
medio tenebrarum fecit audire
vocem suam. Fecit lunam in
tempora; sol cognovit

14 oc.

occasum suum. Effundit tenebras super terram, & per siderum flammâ illuminat noctem.

Lux, & tenebræ benedicite Domino; noctes, & dies benedicite Domino; sol, & luna benedicite Domino. Benedicant stellæ cæli, & luceant ei cum jucunditate, qui fecit illas.

Benedicite Dominum omnes servi Domini, qui statis in domo Domini in atriis domus Dei nostri. In noctibus extollite manus vestras in sancta, & benedicite Dominum. Confitemini, & invocate nomen ejus: laudamini in nomine sancto ejus. Cantate in nocte mirabilia ejus; cantate in nocte laudes ejus; collaudate, & confitemini illi, quoniam in omnia sæcula misericordia ejus.

In-

Invocatio Dei in nocte.

QUAM bonus Israel Deus iis, qui recto sunt corde! Bonus Dominus omnibus sperantibus in eum; animæ quærenti illum: spes enim illorum in salvantem illos; & oculi Domini in diligentes se.

Qui timet Dominum, nihil trepidabit, & non pavebit; quoniam ipse est spes ejus, & fortitudo ejus. Benedicet Dominum, qui creavit illum; lætabitur, & sperabit in eo. Quis enim invocavit eum, & despexit illum? Nullus speravit in eo, & confusus est.

Inimici Domini timebunt die, ac nocte; & persequentur eos tenebræ. Dominus percutiet il-

15 los

los cecitate; vinculis tenebrarum colligabit: lux autem maxima Sanctis suis. Videntes mirabilia ejus decantabunt, & glorificabunt nomen sanctum ejus.

Domine Deus salutis meae in die clamavi: clamabo in nocte coram te; levabo manus meas: elevatio manuum mearum sacrificium vespertinum. Clamabo ad Deum altissimum; Deum, qui benefecit mihi. Protector meus; in ipso speravi, & adjutus sum.

Spera anima mea in Domino Deo tuo: leva oculos tuos in caelum, unde veniet auxilium tibi; auxilium tuum a Domino, qui fecit caelum, & terram. Dominus protectio tua; non dormitabit, qui custodit te; non dormitabit, neque dormiet, qui custodit te, Deus Israel. A custodia

dia matutina usque ad noctem spera anima mea in Domino.

Sperabo in nomine tuo Domine; Deus meus sperabo in te; Deus meus misericordia mea; in protectione tua commorabor. Non timebo in obscuro; in tenebris noctis. Non timebo a timore nocturno; quoniam tu mecum es, & invocavi te.

Oriatur in tenebris lumen tuum; & nox, sicut dies illuminabitur; & replebitur splendore gloriae tuae.

 PRO NOCTURNA QUIETE.

*Si dormieris, non timebis;
& suavis erit somnus tuus.*
Prov. 3.

Domine Deus meus, qui posuisti tenebras, & facta est nox; qui das dilectis tuis somnum, effunde super me benedictionem tuam, & sanctifica habitationem meam, ut in pace dormiam, & requiescam.

Fiat cor meum, & corpus meum immaculatum. Custodiant me sancti Angeli tui; & tu, Domine, custodi me, ut pupillam oculi; sub umbra alarum tuarum protege me: conserva me in hac nocte, quoniam speravi in te. Protector vitæ meæ, Deus me.

meus, ne repente succidas me: custodi me ab omni malo; custodi animam meam, Domine Deus meus.

Fac, ut serviam tibi in sanctitate, & iustitia, coram te omnibus diebus vitæ meæ, expectans beatam spem, ut in pace consummans cursum meum ingrediar in illam requiem, ubi nox ultra non erit: & serviam tibi die, ac nocte in templo tuo, & videbo faciem tuam, & requiescam in gloria tua, laudans te in sæcula sæculorum. Amen.

Benedicat mihi Dominus, & custodiat me; ostendat faciem suam, & misereatur mihi. Convertat vultum suum ad me, & det mihi pacem. Invocabo nomen ejus, & benedicet mihi.

ANTE

 ANTE SOMNUM.

In cubilibus vestris compungimini.
 Psalm. 4.

EXpolier, Domine, veterem hominem cum actibus suis; & non regnet peccatum in mortali corpore meo, ut obediam concupiscentiis ejus.

Non transgrediar in lecto meo, nec dicam: quis me videt? Delictorum meorum non memorabitur Altissimus. Cognovi enim, quoniam omnia videt oculus tuus; & licet tenebræ circundent me, & parietes cooperiant me, & nemo me circumspiciat, non abscondar a facie tua.

Conservabo præcepta tua in
 cor-

corde meo; & cum dormiero, custodient me, & evigilans loquar cum eis. Meditabor nocte cum corde meo, & in cubili meo compungar.

Anima mea desiderabit te in nocte; sed & spiritu meo in præcordiis meis de mane vigilabo ad te. Memor ero nocte nominis tui; memor ero tui super fratrum meum, & in matutinis meditabor in te, & ad ortum lucis te adorabo.

Dormiam; sed cor meum vigilet ad te, ut delectetur in te anima mea, & laudet te in nocte, donec confurgam de somno meo, ad annunciandum mane misericordiam tuam.

Requiesce in me, Deus meus, & in te requiescat anima mea. Hæc requies mea; delectari in Domino Deo meo; in Domino

gau-

gaudere, & exultare in Deo Jesu meo.

HORA SOMNI.

*Ascendam in lectum strati mei,
& nomen Domini invocabo.*

Psalm.

EXurgat Deus, & dissipentur inimici ejus, & fugiant a facie ejus: sicut deficit fumus, deficiant; sicut fluit cera a facie ignis, sic pereant a facie Dei. Deus in adjutorium meum intende: Domine ad adjuvandum me festina.

Convertere anima mea in requiem tuam, quia Dominus benefecit tibi. In pace in idipsum dormiam, & requiescam. Requiem dabit servo suo, & non erit,

erit, qui me exterreat. Dominus in latere meo; & custodiet me: a dextris est mihi, ne commovear.

Immitte in me, Domine, soporem sanctum; & dulcis erit somnus oculis meis. Ne terreas me per somnia, nec per visiones horrore concutias: non me conturbent in lecto meo cogitationes mex.

In manus tuas commendo spiritum meum, ne cum impiis dormiam somnum sempiternum; sed in pace sit locus meus, & in Sion habitatio mea.

MEMORIA
NATIVITATIS CHRISTI
IN NOCTE.

*Apparuit humanitas Salvatoris
nostri. Ad Tit. 3.*

DUm medium silentium tene-
rent omnia, & nox in suo
cursu medium iter haberet, om-
nipotens sermo tuus, Domine, de
cælis a regalibus sedibus venit.

In lectulo meo quæram per
noctes, quem diligit anima mea.
Non dabo somnum oculis meis;
nec palpebris meis dormitatio-
nem; nec requiem temporibus
meis, donec inveniam locum
Domino; tabernaculum Deo
Jacob.

Qui media nocte, quando som-
nus solet occupare homines, tan-
quam

quam sponsus de thalamo suo,
de utero Virginis egressus es, &
mundo apparuisti; faciem tuam
illumina super me, ut cognos-
cam in tenebris mirabilia tua.

O sapientia, quæ de ore Al-
tissimi prodiisti! O Adonai, &
dux domus Israel, qui Moyse in
igne flammæ apparuisti, & in Si-
na legem dedisti! O radix Jesse,
qui stas in signum populorum!
O clavis David, & sceptrum do-
mus Israel!

O oriens splendor lucis æter-
næ, & sol justitiæ! O rex gen-
tium, & desideratus earum! O
emanuel rex, & legifer noster!
Salva hominem, quem de limo
formasti; salva nos, Domine
Deus noster.

FINIS.

IGNATIUS VICECOMES

*Præpositus Generalis Societatis
JESU.*

Cum Librum, cui titulus, *Dies
Sacra per loca Sacra Scri-
pturae progrediens, Auctore Joanne
Scotti Societatis Jesu*, aliquot
ejusdem Societatis Theologi re-
cognoverint, & in lucem edi-
posse probaverint; facultatem
facimus, ut typis mandetur; si
iis, ad quos pertinet, ita vide-
bitur. Cujus rei gratia has lit-
teras manu nostra subscriptas,
& sigillo nostro munitas dedi-
mus. Romæ 5. Februarii 1753.

Ignatius Vicecomes.

Ja
Qu
nus fol

IN.

INDEX
OPUSCULI.

A mane ad meridiem.

In excitatione matutina. a p. 7
ad 9.

Laudes divinae in surrectione ma-
tutina. a 9 ad 12.

Post surrectionem matutinam.
a 12 ad 19.

Mentalis oratio. a 19 ad 31.

Laudes divinae ex operibus crea-
tionis. a 31 ad 47.

Actus fidei, spei, & caritatis.
a 47 ad 52.

Oratio dominica. a 52 ad 68.

Hora tertia. a 68 ad 70.

Confessio Sacramentalis.
ad 79.

Ante Sacrum, & Communionem

Sacramentalem. a 79 ad 93;
 & a 112 ad 115.
 Hora Sacri, & Communionis
 Sacramentalis. a 93 ad 95.
 Post Communionem Sacramenta-
 lem, & Sacrum. a 95 ad 112.
 Ante studium. a 115 ad 117.
 Ad petendam prudentiam in agen-
 dis. a 117 ad 118.
 Hora sexta. a 118 ad 120.
 Refectio. a 120 ad 122.

A meridie ad noctem.

Laudes divina ex divinis perfe-
 ctionibus. a 125 ad 138.
 Hora nona. a 138 ad 140.
 Lectio spiritualis. a 140 ad 142.
 In visitatione SS. Eucharistia.
 Adoratio, & laus. a 142
 ad 151.
 Quis anima ad Christum.
 nus fol. 151 ad 156.

Pre-

Preces varia ad Christum.
 a 156 ad 165.
 Preces pro sancta morte. a 165
 ad 170.
 Ad SS. Virginem. a 170 ad 175.
 Examen conscientia. a 175
 ad 186.
 Affectus anima compuncta. a 186
 ad 199.
 Laudes divina in nocte. a 199
 ad 206.
 Ante somnum, & hora somni.
 a 206 ad 211.

estaen 3

Imprimatur extra Urbem.

F. Jo: Aug. Orfi S. P. A. Mag.

Jan
Qu
nus lo

Ja
Qu
nus f